





原件短缺

卷 1 — 卷 2

錢塘韋先生文集詩目卷第三

古詩

和鄧舍人讀之果碑二十韻

送皮獻臣郎中赴河朔

觀劈石

和殘臘幽公西遊適

賦金橘得曲字

即席

復用前韻謝和鄙篇以送行縣

和待梅花從一字至十字句



和新晴

早春遊王氏園看牡丹

和留春亭席上送蘇判官

飲櫻桃園

州宅牡丹盛開

新泉

賦醪醑短歌

曉雨離銅山驛

宿景德方丈

鵝湖仁壽寺

石井泉

上饒祥符寺山亭

月巖

九日鳳凰寺

過婺源諸嶺

古金章

中和堂

寒菊

題君佐寓翁庵

觀江都王畫拳毛騮

求陳和叔草書千字文

謝中書張侍郎分惠賜冰

暮夜還家得<sup>清</sup>叟所留二詩因以謝

昨<sup>下</sup>輒以鄙句奉謝重辱長篇次韻和答

和彥常看月

謝鄭州張資政惠書寄酥十四韻

之文

小仲渡

得<sup>氣</sup>

百堂寺

石櫃閣

石鑿

過龍洞

和蘇進之同遊烏奴山告成寺

喜雨和曹子方

武夷遊仙詠

行役一首

別李世美

和禮部蘇尚書擇枯

和孔彥常侍郎癸酉冬雪

留題忠州豐都景德觀

岑公洞

追詠西園海棠

楊內翰讀書堂

八月十八日觀潮

逸龍

陪宣春守皮獻臣遊化成岩

上太守陳少卿

董都官索署中山亭詩

荅董都官索去年詩債

和聞新制間歲貢士

和江亭春半

和久雨

和寒食在富川

提壺

竹雞

聞蛙

忘憂草

杜鵑

惜花

清明聞楚歌

初晴復雨感事

和董都官登城南樓

對雨懷陶椽

思養

錢塘韋先生文集卷第三

和鄧舍人讀之果碑二十韻

果當作果

之果之碑何所刻昔者秦人紀秦德風鏤日鑠斷璞  
昏雨暴冰殘老龜坼微芒遺字三四行容易歷年千  
五百文詞事實可攷求賴有子長修簡策始皇末年  
氣益矜輕視天下夸功名玉墀金戶厭宮殿不遠萬  
里為游行鼓鍾帷帳不移徙所至毫髮皆如情溫寒  
清暑迴造化絕深度險安經營徐市盧生巧窺測浪  
語神仙致君惑東巡亟欲見三山從此海壖來轍迹神  
仙杳邈不可攀六龍迴首滄波碧從臣無以慰躊躇



請陳勲業刊諸石高文大句如形容將以榮耀傳無窮銀鈎玉箸勒未久變故恍惚如飄風人心恚望鬼神怒馮池神恠俄符同禍秦非胡匕在國長城未畢咸陽空空遺此石蒼崖裡萬古悠々辨終始雖然篆刻半缺訛至今不得藏虛美世人往々愛瑰竒蠟澤松煙印之紙覽觀莫不哀所為豈獨玩焉而已矣

送皮獻臣郎中赴河朔

提按便羅袁州作

明公器業真無敵術學精深貫今昔胸中應變勇所為韜養許惟窺吟域立朝壯齒名已高君相都俞采風迹星從畿邑星等倫寘之計府憑宣力古來才盛

誰記惟

多見排議論沒漉起尋尺剖符江表雖左遷憤恤何嘗動顏色惟思補報誠益勤矣翅循墻驚寵錫劔姦整敝皆得要百事詳求不容隙宜陽編戶十萬餘疲瘵彌年逢藥石旒倪愛戴憂公去口頌心祈繼朝夕除書忽爾天上来借寇無緣徒悵惜汝曹固恨奪慈父上意其如念河北河北近罹災變深墊溺之餘病艱食經營調度難其任正是廟堂精選擇此時委寄非平時賢者豈辭當遠適長川六月風雲爽苒匕獲旌標畫鷁送行擁岸車馬稠戀德尤多淚沾臆袁民慎勿挽公舟蚤看公歸廣膏澤



觀劈石

宋劉涇

籃輿遠冒西山色、宛轉羊腸踏寒碧、巖岨深處屢騰  
 聲、何事晴雲多霹靂、尋殺迤邐過枯林、始見羣工劈  
 山石、斧斤鋒刃奚足云、鐵楔縱橫乃為力、隨文察理  
 以段致、大或尋常小盈尺、心冥手應出自然、不啻庖  
 丁操騶、若問其勤苦、將胡為、驅車運致希酬直、牛山  
 濯、罹採伐、萌蘖梢如無夜息、此山遭值甚牛山、攻  
 擊何年可終極、石頑人智其柰何、智巧反為天地賊  
 和殘臘、幽谷西遊遠  
 晴光泛、山之河、谷禽朝飛、殺已和溪、面冰消、玉沙

活臨溪、逆想春風過、忽來忽往、祇隨興、駒從屏、冥殊  
 無多、略挽梅梢、款織蘂、後日重來、添幾何

賦金橘得曲字

結根長江左、移植清流曲、朝暉歛夜霜、香苞間寒綠  
 落、黃金丸堆盤、照明玉、遠想洞庭姿、宜慙風韻俗  
 咀嚼聊一評、嗜甘毋見辱

即席

金爐獸焰迴春律、碧瑱蠟花資野逸、臈枝剪斷玉蓮  
 光、歌扇舞茵爭秀出、主人醉賓、醉德傾兀不慙冠  
 武側、一時陳迹去、莫追此段清歡、寧易得

復用前韻謝和鄙篇以送行縣

耐衝曉霧孤裘密亂踏寒霜馬蹄逸徧行屬邑敢憚  
勞樂歲償逋民易出雲間想恋雙旌色跋轡長坡首  
頻側更懷珍句重見酬一顆驪珠探領得

和待梅花從一字至十字句

梅遲迴雪已消花未開傍山林館近水亭臺相期白  
玉蘂教費碧雲才况有水霜對偶且無蜂蝶嫌猜含  
蓄清香知自負包藏幽艷候誰來嶺頭信兮使騎未  
至樓間怨兮角愁已哀提壺秉筆兮酣詠其側花神  
有口兮得不留心哉

刊疑是九字  
宋刻十

藥傷才小補、此時得雨誠可歌、千里一情同、鼓舞邦人欽、誦太守吟、太守憐民過、慈父

和新晴

晴溪淥柔藍、舴艋隨風泛、春光一何明、山川在軒鑑、杖履登青臯、牽條繫柔纜、追攀盡幽興、尋源達觴盃、早春遊王氏園看牡丹約花開再遊探韻賦詩

得早字

蜿蜒溪岸溪芳草、似覺城東春色早、並溪穿竹入幽林、已愛和風養華藻、參差彫檻木、芍藥細葉新、抽看漸好、花開使節儻尚留、願奉清樽為花倒

溪芳之溪誤

和留春亭席上送蘇判官

淮野征途人鄰邦蓮幕客飛鳥逸鞭聲遙山引行色  
歸歎況春近林芳多甲拆投宿可收燈囊中夜光白  
以君得翰林新  
白故有是云

飲櫻桃園

拂閣尖出櫻桃表花枝巧向春風裊四座交飛白玉  
船一聲相勸提壺鳥搖匕畫隼青天杳落日酣歌近  
芳草撥開塵渙從清遊安得樽前辭醉倒

州宅牡丹盛開蒙剪欄中奇品見贈仍屬為短

歌于席上

永陽州宅如仙隱花藥粧春有畦吟牡丹開處綵為  
攔翠幕障風怯風緊日高花醒一開筵酒殘照花  
自晒東君不負禁林人猛放滂葩肆鈎引莫教狂雨  
妬清歡狂雨來時似秋槿主人愛客令剪送一朶綵  
雲離玉筩飲量恨非千丈陂欲吸百朝還噪啗殷勤  
厚意不可酬謾作短歌羞不敏

新泉

美泉在山人不知美泉出山還有時琅邪之東幽谷  
西公來發此清漣漪搜尋土脉示山叟霜鏤入土荆  
榛披逡巡方丈露澄瑩十日爭看青琉璃一之二之

嘲快  
噪當作燥  
宋刻同誤

來感沸嶺猿驚嘯溪禽飛呼工釐手斲白石玉匣寶  
鑑生光輝自從開鑿貯寒碧朝雲夜月常遲遲春華  
將近天氣爽公携賓從何逶迤回環欄楯照丹碧顛  
倒旌旆浮歲蕤飛觴弄翰不勝樂梅柳恨不先芳菲  
此時玩泉愛清切異日飲德欽規為甘香潤澤濟枯  
槁源七難絕除人思

賦醑醑短歌少留行旆

醑醑高架凌春風飄然疑與天香同瓊英綠葉何玲  
瓏開樽爛賞情無窮把酒祝花七且記玉堂仙人將  
盞嚮柔條好為挽雲輶少慰邦人恋軒意

晚雨離銅山驛

宋刻著  
且記沮  
北風吹雲頑不散山雨蕭二夜將旦起來勉強著征  
衣索馬躊躇就途宴晏岡泥漸滑沮迤邁林靄正濃迷  
遠矚旅懷慘鬱六所宜安得秋陽露霄漢

宿景德方丈

塵迹走塵途禪林少禪客我來宿方丈但愛秋月白  
夜分始就寢萬籟同一默清輝滿紗幌歸夢徒反側  
木魚雖無心根七動吾息

鵝湖仁壽寺

環抱煙雲峯坦夷杉松逗古寺聊稅鞅忻然遇幽勝

躋攀上崖閣足以遠眺聽秋花或丹紫殘蟬尚呼應  
著處有佳趣征途自無定臨風誦韓詩兩事皆害性

石井泉

淺匕山下洞澄匕洞中泉匕教寂無聞泉色碧弄天  
解纓不欲濯瑩澈殊可憐相飲聊漱甘願我心常蠲

上饒祥符寺山亭

時太守劉  
載酒率遊

聯舟以為梁度溪即幽寺危亭躡層雲遠日得以肆  
城中樓閣多水外峯岫翠地主喜載酒相從車馬萃  
客心正悠匕巖闔促回轡

月巖

一等造化功此巖何以異絕其高僅齊雲中空杳如  
月如月月不圓望之光芒全何人植蒼桂婆娑亦相  
緣凡物偶有象愛好獨難偏強名雖自人所得重天  
然詩者術巧思或比蝕與弦由來假借中奚必加鑽  
研

九日鳳凰寺

節物驚重九匕尚山行固無登高約遲明即脩程  
下馬入古寺榜懸鳳凰名來巢古所傳至今得徽稱  
拂席坐其堂耳目一以清歛然壯穉集往匕持盤饗  
問其何以至云此謝秋成年匕當此時村落相經營

薄具煥釘餽所將惟至誠感此良自嘆吾生殆如萍  
從仕徒衣上退亦無田歸耕去歲嘗為客今辰復徼征  
佳節眼前過有酒難獨傾紫萸黃金菊花何以為芳馨  
豈如羣野人蹄冷自舒情行矣姑勉強義命心所明

過婺源諸嶺

古言行路難非獨在險阻茲馬婺源道登嶺足勞苦  
可謂路之難其他未足數躋攀上崎嶇僅與猿狖伍  
下臨萬丈崖陰黑不可睹馬蹄長及腹僕領幾著土  
俛時飛鳥背俯躡游雲縷藤蘿為所依用力必審舉  
終日踐羊腸天寒汗如雨凝結本無心開鑿知強取

君不見世情險惡未易論此嶺雖高前孰禦

古金章

全椒民間二稚子得金章野分而競焉入縣以獻州

黃金鑄印龜為紐埋沒郊原已綿久春泥深處觀耕  
蹄踏雪銷時經獵走膺去春來幾百年亡寂寞無  
黃緣不知何代何王賜於此奚為獨墜捐由來至寶  
寧長棄一旦光輝難自秘牧兒羗子兩窺觀不識彫  
章祇知利里胥白官亡為收歛從下邑歸之州發囊  
啟襲生精彩十目爭視寒星流粲然五字分明在蒼  
龍副將軍所佩將軍安在惟空名方寸堅剛終不潰  
物否而通理所宜在人誰謂殊柔斯請看金印雜瓦

礫未逢採拾毋輕唾

中和堂

秋陽遠泛秋山色越嶠連雲聳深碧廓然千里會一堂勢壓全吳迥無敵古今貴耳不貴目方大蓬萊後託籍安知巖麗非壺中登覽渾疑脫塵迹芙蓉耐霜紅兩行杉檜凌空翠千尺捲簾樽俎當清風大白一飛羣慮釋燁々輝光生舊牖公以中和樂邦職又欽德操必有鄰朝夕堂陰看七石

寒菊

仲冬十日

皎々園中霜鮮々砌間菊長至破旬來茲芳乃幽獨

豈其時使然寒威未加肅又豈各有命榮謝分遲速如何纖柔質堅可敵松竹綠葉共歲蕤金英相陸續究之得所自養助為之福去蠹誘童稚剪蒿專野僕恐弱即枝扶憂乾必澆沃北風賴密樊朝暉借餘燠侵牟絕蜂蝶蹀躞無雞鷲得以保天材隆冬尚芬馥一溉必後枯愁生論尤篤孟軻志嘗歎濯々牛山木奚獨物有是在人宜慎毓關節防疾疢驅除先嗜慾所養重垂心非徒口與腹所履正乎道非徒險與曲紛華靡交戰枝害盡消逐自然致冲和久壽不遭促持茲養生理可繼喬松躅興作寒菊詩葩浮寧傳俗



題君佐寓翁庵

人生擾乚無非寓以寓名庵深得趣寓翁之庵年月  
多一日持文索詩句乃知主意不在詩欲以斯言昭  
未悟吾儕又賦寓翁庵附贅懸疣□□□

觀江都王畫拳毛騮

憶昔曾觀名畫記畫馬獨貴江都王當時所畫拳毛  
騮聲名氣格凌有唐太宗愛之自題識縑素翕絕生  
輝光何年流落傳人間至今不泯猶珍藏高堂邂逅  
一注目鬃鬃神駿如騰驤拳毛騮非凡馬匹天駟之  
精為時出虬鬚英主數跨鞍出入戈鋌勢飄逸穀州

數百下落載世三字  
宋本亦落二字

洛水血戰酣電轉風馳萬人屈槐槍掃盡社稷牢  
歸來始覺金創密江都能事妙入神落筆奪得造化真  
星瞳月頰批竹耳一毫不謬誠絕倫時移物化丹青  
在後世乃識真騏驎寂寥莫繼數百間唯有曹將軍  
將軍畫馬超儔侶於此區區奚足數為圖謾雜師子  
花忍使龍妹失其處予知此畫名實兼虛美安能動  
今古嘆嗟不足聊一歌却愧辭華非杜甫

求陳和叔草書千文

伯英臨池乚水黑世稱草聖真無敵逸少奇蹤昔所  
珍曾為換鶯書道德晚有張顛尤恠偉意自公孫劍

中得由來傳播千百年筆法至今為準的近時此學  
雖凋零妙絕何嘗虛賞識唯公氣格出天然揮掃能  
兼古人蹟縱如烟海魚龍遊俊若秋天鷹隼擊幹旋  
舒慘在術內心通手應難窺測曩傳法帖久已寘安  
得千文飽矜式越溪明楮白垂霜畫永願公飛電墨  
謝中書張侍郎分惠賜冰

蒸雲熾結炎威稔紫禁傳宣馳內品頒冰首及輔臣  
家三伏歛成秋氣凜寒光瑩澈帶恩輝圭角崢嶸出  
天稟紅塵不敢傍朱門溽暑何由近華寢無瑕獨愜  
水精盤薦冷潛被神文石枕池應鳳思引輕喙鼎梅亦

覲清餘餽蝸廬窮處厭煩酷嘉惠分霑幸尤甚兒童  
驚日且相惟蠅蚋竄身寧自審荷公借潤變焦枯食  
藥肺腸方渴飲強持累白冒鈞衡深愧才華非飽沈  
暮夜還家得清叟所留二詩因以謝

暑雲結雨殊蒸鬱騎馬天街塵土沕汗漬巾冠溜墨  
珠兩目昏眵情忽已入門下馬意歛紆一派清風偶  
飄拂豁然自喜方自疑短軸碧牋僮捧出開卷知為  
清叟詩濯熱蠲煩一何疾清叟之詩豪且麗筆力滂  
葩少儔匹上篇首吟東府西壁之畫竹髣髴龍孫見  
奇質繼言手植湘川斑一一琅玕露蕭瑟次篇追憶

錢塘西湖之荷花十里紅香夢難必形容摸寫極纖  
妙造物無心為之屈緊余何幸併獲觀水飲玉壺清  
澈骨湏臾狂靈轟雷車至寶似難安陋室欲還却記  
古人言在處護藏宜有物且憶鄙思昨所貽無以續  
貂還見詰

昨日輒以鄙句奉謝重辱長篇為況再藉來韻

和答次韻

屋梁曉影初日曛銀潢下沃崑岡焚鐵騎騰突方追  
奔瑛璠入水體自溫翩七夢翼飛天門異香氣力能  
返兔真珠傾馮琉璃盈青銅古鏡磨塵昏知音聽鳳

裁龍孫重然寶劍垂荒墳扶搖九萬觀化鯤君詩體  
格能並存大言軟語清兼渾搜索物象窮乾坤瓊戩  
碾出花無根字七韻郁如芳蓀至寶無價難輕論洪  
波蕩縱長鯨吞元化運轉通崑崙探蹟不見彫鏤痕  
胡為及我窮陋門守護固之育與賁美材誰薦為犧  
樽幕之疏布飾以琨致用清廟非常恩

和彥常看月

雙扉窈窕疑仙穴鎖宿彌旬塵事絕夜色蕭然鼓二  
中聯步空庭望寒月衆星掩抑天無雲萬瓦鱗七帶  
霜雪俯看腐草亦光輝仰教冥鴻自行列瑤臺十二

好裴徊、銀界三千孰、分別鈎簾却坐、未欲寢、况有高  
談助清激、恣置酒當虛欄、鑄款釘、銀珠微織、長藥  
徹去不復用、豈假密炬徒炎、追思李杜篇章妙、亦  
有狂語時相兼、舉杯勸飲一何怪、斫桂浪慙尤難厭  
豈如我輩賞以意、一觴一詠情何恬、興闌影側各分  
散、心月兩邊俱無嫌、

謝鄭州張資政惠書寄酥十四韻

崢嶸歲律垂更舊、蕪室蕭然度清晝、追想牙旌欲首  
途、策羸取別嘗、重復躊躇去德不勝情、歸迫嚴闈、僅  
能走歛、驚霜月再弦、望西向拳、使心疾心之疾、

宋本締

日益深、使者踵門書、忽授璨然誨語、盈累幅、字上輝  
華、敲瓊瑤、殷勤曠與奚所貽、紙尾復題酥、以侑開緘  
珍視未敢嘗、捧重臨風且三嗅、初疑黃玉可如泥、和  
以露華凝不溜、又訝仙膏久鍊成、自有光芒發昏瞶、  
輕言豈學陸機對、以況尊羹一何謬、依稀乳酒下青  
雲、詩慕少陵慙淺陋、汪洋惠意不可酬、匕箸姑停聊  
密覆、留向春朝助後觴、却望台星祝公壽、

之文 十月十四日 雜益昌  
九月十四日 提館作

薄晚出城闈、江橋渡清激、暝投贈居宿、虛閣對圓月、收  
燈納寒光、瑩淨見毫末、久之未即臥、爽氣愛軒豁、既眠

復輾轉竟夕灘聲聒吟七辨初鳴隸報馬已秣就途諏  
 所歷七驛皆岑絕自茲五昏曉寢食乃其歇肩髀及攬  
 轡必步由險輟側身經崎嶇仰首睨喘嶮縈棧遠如  
 綫危處甚若髮獨摧跨不測震足殊脆艱履之為不疑  
 無乃微幸切緣崖矚飛濤盡眼噴霜雪往七生眩轉收  
 矚不敢督問或得佳趣終多備驚蹶鮮華冒嶺鬼高峯砥王枕日射  
 增皎潔因以名其村野老能指說蘆盡流泉夜響每  
 嗷咽哀吟聽猿狖殘星半明滅邊城行漸近山勢如削  
 鐵跋歷愈艱苦氣象且凋缺蕭條道旁舍編板代瓦設  
 田婦負所汲為肩語嘲咄對此動嘆嗟問里念遠別我行

各參差縱  
書色不活

緣所職期會尤慎發指日鳩羣衆鄉兵謹冬閱腰弓盈  
 半萬著令明賞罰顯七覲訖事且憚糧糗竭唯予敢自  
 暇憇止養關節所以圖兼程俛勉強羸劣讀書貴行志  
 王事無瑣屑致身非青雲努力乏奇烈天涯適馳走使  
 指心忝竊何當成歲課歸奏黃金闕解組雖未能乞麾  
 斂拙優游近吾土庶便松楸謁遐想無以止作詩舒鬱結  
 小仲渡  
 山椒積雪尚堆瓊山下桃花已開錦若教傳畫入中  
 州便謂仙家事難審

得鹿平利州蒿

嘔吐山中鹿，倉猝出深藪。車徒歛以至，驚顧却衝走。  
荷篋適當之，觝觸難措手。一夫不能勝，犄角賴前後。  
我馬止其所，險隘不敢驟。思欲縱之去，騰突懼反受。  
踣蹙繫四足，憤氣徒陰吼。更番耦八肩，復復度九堠。  
順風率汗背，暮達行館右。解徽置中庭，微息已絕脛。  
事殊注虞旗，難以公私剖。商割遇善屠，駉善聲隨肘。  
均霑及兵隸，不使或薄厚。投醪古所重，況此徧羣口。  
聞音不食肉，茲義予獨守。犴嗟鹿之微，其命殆非偶。  
不由馳獵窘，不以罟獲誘。逡巡赴死地，有若杵投臼。  
無乃失所向，猖狂自貽咎。彼類榛莽間，知而能警否。

### 百堂寺

魏峩江之干，故迹百堂寺。上墊徙于爰，遺太上皇帝御名十一  
二、百堂依巖崖，像貌宛以儵。間雖或彫缺，点足起敬畏。  
江流幾淺深，江木幾榮悴。舟車日往還，興寢誰復議。  
鑪香有餘燼，無乃妄僥覲。獨歎鐫鑿功，綿歷何所自。

### 石櫃閣

一登石櫃閣，載讀石櫃詩。人不可作，詩思清可思。  
至今江水流，哀響猶依。佳趣想如古，物是唯人非。  
孤煙起林坳，夕鳥相與歸。攬轡復前征，長言解歔歎。

### 石鑿

石鑿久已傳往還迷所自下馬詰亭卒指以水之埃  
徐行即其旁執鑿俟我至問其將胡為云此久埋秘  
泥沙亦易發應手可立致逡巡肆揮舉兩鑿露精粹  
青如碧琅玕光瑩非琢治圓模出自然小大羌有貳  
石根不可窮名鑿乃以類象物固其偶蕪沒良可喟  
儻非以名求何以見珍異顧我乏高才為詩強標識

過龍洞

曉過龍洞口秋雨寒江急雙炬撒星飛隨風光熠  
危閣勢凌空履滑難擇澁特上馬蹄聲谷虛良易入  
祇恐驚人恠轟雷起蟠蟄豈不念懷安自公忘爰

和蘇進之同遊烏奴山告成寺

長風掠疎林殘葉何悽悽浮雲帶遠山半壓愁眉低  
縱遊烏奴寺乃在嘉陵西嘉陵清且湍依約剡中溪  
十月未成梁榜舟祛挈提篙工上下手往也哈州犂  
繫纜即肩舁踏石避角圭詰屈上嵯峨恍若登雲梯  
下視飛鳥背仰聽驚猿啼參差列佳境畫幅展不齊  
崢嶸樓殿雄勢欲凌煙霓香穗暗金像嵐光映璇題  
寶函發神翰燿燦壁與奎聖言遠如天至理豈易稽  
洗目幸崇觀詎止徒攀躋四座敬無譁寂默桃李蹊  
遺韶動衆聽司南警羣迷茲辰尤樂只併合又將睽

鵬搏九萬程，鶴鶴一枝棲。其適固均耳，安中養天倪。  
喜雨和曹子方

班超已老入玉關，仲子欲絕得糟李。洗腸術妙久疾愈，拜井誠危湧泉起。較之今日遇滂霽，彼情未足方吾喜。自從三月變早暎，百日磬<sub>上</sub>沸田里豚蹄楹醕。謾禱求朝夕叢祠致拳跪，苗根土乾類龜坼。愁望油雲杳無埃，富憂攘攷貧憂陪。疾首蹙額誰不爾，噫予豈獨釣爾憂。反覆萬端思所以，察究遣滯督郡邑。焚巫暴<sub>上</sub>厄固非理，精虔賴我同僚賢。甘澤應祈裁可殫，沛然傾注<sub>上</sub>數十刻。溝畎皆盈一，何偉閩山草木<sub>上</sub>增。

輝萬口，懽聲寧遽止。翌朝又復得高篇，磊落珠璣光滿紙。強酬珍貺愧拙疎，兩喜相投當不鄙。

武夷游仙詠

崔嵬倚天蒼翠勻，羅列百里清無塵。氣象不與凡山鈞，舉目已訝非前聞。悠<sub>上</sub>官道行溪濱，不陟峻險仙源分。穿松度竹微荆榛，古觀壯麗依嶙峋。道人鶴氅烏紗巾，引我舉棹乘長津。橫灘激浪花如銀，舟子敏捷妙入神。縈紆逆沂山之根，兩壁萬仞干青雲。如庵如室如倉困，竒蹤恠狀何紛<sub>上</sub>。仰觀持久頭酸辛，開蓬偃卧望始真。遺機斷脫鑪不燠，漆棺不朽藏何身。



雞窠亂草宛若新舟航六七排魚鱗半入崖  
誰施陳輒疑太上皇帝御名置因昔人留此詭異於常倫却看危峭  
無攀捫下棟萬丈深潭淪雖有智力何由伸此莫謾  
詰徒自勤手披舊記煩諮詢逖想會仙矣所存兩峯  
最大勢最尊當時曾集三千賓慢亭鋪設紫雲茵酒  
味醇潔餚羞珍鳳兒荷香藝絕羣賓雲奏徹更幾春  
飲散祇以夸曾孫神仙渺茫難重論此會此語相傳  
云儼然遺迹尚不泯嚴祠唯奉武夷君潛有惠澤均  
斯民我遊自午至夕矐目力所得總逡巡長言記錄  
濡毫頻師仙術異非所欣但悵勝槩無緣鄰

行役一首

離建寧縣宿緣心院

浮梁跨寒溪出郭十餘里暝投僧舍宿月影清如水  
剪燭吏文退孤坐俄隱几逡巡念歲月凋踈驚鬢齒  
少學雖自勇壯行何不偉胡為浪奔走豈足稱使指  
許國徒有心歸田尚無擬徘徊仕路間老大良可恥  
氣弱不耐飲詩多常累紙一吟聊破悶再詠漸轉理  
以及百千言徃不能已且以養情性固非爭綺靡  
此樂非絲竹美聽不在耳紆鬱得以綠易直油然起  
所以驅馳中冥搜未嘗死今宵幸夷曠似匪塵紛邇  
悠々萬感集銷鑠欲何以遂為行役篇七成姑自喜

揮毫復吟諷，若與嘉賓比。疏泉以養泉，所益不在彼。蛟蚓間相雜，要之適吾已。儻或不吾知，奚邱譏狂斐。

別李世美

御茶貢了文書閒，靜一堂深生晝寂。木蘭花謝葉成陰，霽日輝、蕩輕碧。主人為我開芳筵，灑<sub>二</sub>金樽泛春色。舉杯相屬，念我行贈以長篇，重圭璧、聯官共職。誠意釣踰歲，光陰駒過隙。自慙老鈍於事跡，每幸高才見裨益。招攜地寶溢，課輸立遣訟筒平。鬱抑隅州移粟賑，疲<sub>二</sub>指日。毆兵斬狂賊，走章馳檄公事外。間有賡酬副清適，搜羅絕景窮造化。鋪寫幽情露骨髓。

今朝飲別接殷勤，判袂分歧在朝夕。萍蓬邂逅難期度，魚鴈附託宜頻的。願聆三節促歸軒，聊慰馳情想風格。

和禮部蘇尚書稭枯

淵明植五柳，萬古清風傳。子猷種脩竹，幽况亦飄然。崢嶸韓退之，甘受遶楸牽。由来高爽姿，氣欲凌雲煙。嗜好脫凡近，孰能窺後先。嶽<sub>二</sub>尚書公，散華天下賢。儀曹經畫閑，春日方暄妍。不思葩蕩妖，惟喜操節堅。呼工斬惡木，買松種堂前。培溉勞朝夕，霜雪期千年。北垣有餘地，虛鍾徒自憐。名卿送珍材，類至誠所緣。

穉枯僅踰尺、標致懷參天、拱把念所養、扶持必周旋、  
孤根舊土隨、不使知其遷、逡巡十旬決、生意何鮮、  
棟梁他日功、願遇此辰偏、清詩為題品、光芒耀星躔、  
枯榮詩不朽、流芳共綿延、後來戒剪伐、當繼甘棠篇、  
和孔彥常侍郎癸酉冬雪

淳深等彭澤、瑰恠輕玉川、讀公冬雪吟、爽氣何飄然、  
齋祠宿華省、對此同雲天、坐看積瓊瑤、光輝想藍田、  
泥滓歛藏垢、枯槁頓增妍、紛、布寒空往、迷飛仙、  
狐裘綉餘温、薰鑪凝<sup>平</sup>微煙、清冷徹心骨、復誰嘲晝、  
眠、雄詞筆下驅、若放春水船、慶豐仍記歲、諷味期他年、

留題忠州豐都景德觀

豐都縣北岷江側、古觀崢嶸耀金碧、層巒秀拔異羣、  
山、喬木侵雲競千尺、二仙去久丹灶冷、王方平陰長生丹灶尚存空、  
載遺文在碑刻、俗士紛、徒嘆嗟、曾有何人繼真跡、

岑公洞

耽、石洞天、開鑄岑公之隱、來何年、一朝仙去名晦、  
然、商人受香忘所傳、舟楫不進方省譽、奉香入洞舟、  
乃前靈蹤自此人、拳、至今乾溢皆致虔、惚、忽應禱、  
殊無偏、我來敬謁歲欲遷、艤泊沙磧登昇肩、蹴踏錦、  
石行江壩、洞門屣步侵雲煙、瞻望塑像欽華顛、挺之、

作記誇唐賢，勒珉雖昏辭尚全。卻恨戾止非炎天，不見百尺懸飛泉。唯有巖竇聲消<sub>上</sub>，頃之自可遺塵緣。况乃板隙圖留連，嗟予遠宦方拘孥。搜竒尋勝姑勉旃，此日得此澄心淵。安能擺脫追神僊，臨崖浪筆書長篇。

追詠西園海棠

西園正月<sub>二</sub>欲殘，海棠一株花正繁。滂葩艷<sub>上</sub>開朝日，露洗蜀錦紅光寒。回環桃李競無色，阜爾獨秀當朱欄。兩春行役不及見，今日偶幸官身閑。擬開金樽恣懽賞，酬酢恨<sub>滿</sub>開衰顏。無何職事忽牽制，遽戒舟楫

乘波瀾，却嗟逐物猶蒂芥。未免回首興長嘆，悠<sub>上</sub>清夜入寤寐。往<sub>上</sub>蝶夢曾飛還，歸來綠葉空滿枝。正與老態相追攀，須知樂事少如欲<sub>諱</sub>。謂天意於人豈

楊內翰讀書堂

在綿竹  
三為山

無為山色參天碧，翰林舊<sub>隱</sub>多遺跡。跨鶴凌風去幾年，獨有文章光翕<sub>太</sub>絕。太上皇  
帝御名堂續志廣所存，善矣鶴原足。餘力清白永隨風，月久形容杳與塵埃隔。伊爾歛憶四紀前，曾躡雲梯附鵬翼。此堂坐想不獲登，謾寄長言勒巖石。

八月十八日觀潮

浙流浩淼連溟渤，霄晝潮頭卷沙出。中秋三日七欲  
西，一歲之潮盛今日。雪山橫亘截江來，巨浪翻空生  
倏忽。吳兒當此誇善泅，執炬揚旗徐出沒。旁觀奚止  
動精爽，壯士為之猶股慄。由來習俗競茲辰，士女欣  
然勇相率。紛紛畢集遠長堤，翠蓋成陰何櫛密。邦侯  
樂衆為開筵，歌管凌虛遏雲物。玉堂鉅公臨右席，賓  
主交輝映簪紱。注目應同濟川念，賞心仍寓和民術。  
區區下客久不逢，二紀光陰容易失。幸陪高會還舊  
觀，聊解嘆嗟揮老筆。

詠龍

退之昔日詠風伯，今日吾友詠應龍。應龍聞之兩耳  
卓急卷海水，飛長空。陰雲曠曠為後先，變化赫日成  
昏曠。田間槁穗有生意，號子屬鱗盧醫逢。望霓萬口  
動一喜，徃々脩賽求。研縱頃之氣象復舒靈，飄洒尚  
不遭溟濛。龍乎奚爾不努力，遽若有粟還收蹤。天豈  
虐斯民，不欲為年豐。林々未必皆咎戾，必有任責當  
其凶。斬君勿龍詠，龍非無從。旱乾水溢各有召，應答  
不謬如洪鍾。昭々之鑒明且威，敢曠久而忘功。一欲  
竊弄權，霧霈私郡農。震怒起旋踵，迨醢裁誰躬。慎無  
凝土像天矯，晝夜狂舞青衣童。精誠修警感，畢聽朝

暮膏澤盈寰中

陪宜春守皮獻臣遊化成巖

城闌北出春江闊鐵鎖聯舟波浪截驅車度岸得幽  
岑半帶雲陰青欲活何年造化成此巖誰為高閣依  
晚七穿巖登閣意思豁氣象百種相交參獲旌遠映  
蒼煙色山鳥江花俱自得使暇豫真適然萬室鳴絃  
不知極江南舊美傳庾公浩輩爽逸陪遊從風流不  
減當時盛獨愧非才列座中

律詩

上太守陳少卿十韻

風流富川盛善政久濡霑市價童無惑關譏盜不潛  
賣刀人向本讓路俗知謙明府精區處園扉絕滯淹  
青綸方調補內屏幸趁瞻直道爰來遇孤蹤豈自嫌  
有時申讞議仰見霽威嚴志得寧辭賤公閑倍養恬  
奚須祈汲引足以慰清廉靜念官居樂長言孰可箝

董都官索署中山亭詩

突兀靈亭倚翠微紛然塵境此中遺高明頗愜星郎  
意邃密如嫌俗客知吟對青山搖玉麈醉臨華月鮮  
銀龜襟懷蹇七安閑久偃臥多應夢赤墀

答董都官索去年詩債

軫下傳音旨，宵中長忸怩。如何終日暇，猶負隔年詩。  
寡和知聲妙，難抽恨思遲。慙慙還見趣，荒鄙敢為辭。

和聞新制間歲貢士

五載興賢日月疎，間關多是老閑居。朝廷遠慮淹才  
敝，郡國新頒間歲書。士子將期賀空谷，詩人當復興  
嘉魚。無能自愧逢辰早，已脫犂鋤就棧車。

和江亭春半

亭壓長江氣象雄，清明時節夕陽中。天邊遠嶂橫深  
翠，花外餘霞沒亂紅。鷗鷺飛鳴得閑趣，漁樵歌唱有  
淳風。誰能共向春光醉，窮達<sup>都</sup>忘學塞翁。

和久雨

陰霖繼月酷相因，早魃今年遽喪神。膏澤愔憂害東  
作，芳期那敢愛青春。雖容雖智能蒙鼻，奈有民咨易  
動唇。天聽甚卑羣語切，雨師何事未迴輪。

和寒食在富川

城闌咫尺到春郊，躍馬行春固不勞。寒食蕭疎觀物  
態，楚歌嘲嘒聚兒曹。平湖漾日扁舟滿，芳榭迎風畫  
鼓高。薄暮田翁醉歸樂，山花倒插挈餘醪。

雜詠五首 提壺

長林棲息自安如，謾勸閑人挈酒壺。世治有誰從醉

隱徒勞健吻汝知無

五竹雞

切舌聲呼泥滑舌強關人事最無機安知巧舌為身  
世人愛其鳴多言之

五聞蛙

烟氏官亡種類滋胆鳴連黨欲何為喧然無理令人  
惡憶箸昌黎吏部詩

四忘憂草

憂樂由來繫所存強名微草不須論簞瓢悅道顏淵  
德陋巷當時豈種萱

五杜鵑

啼血辛勤爾自貽百花時節好閑飛行人日已春山  
裏誰是聲中勸得歸

惜花

玉人携酒對花枝悵惜紅芳已半稀楚悵歌中別虞  
氏馬嵬丘裏顧楊妃

清明聞楚歌

髻鬢漁陽冬過鼓依稀江左能後連花清明舊俗無佳  
尚唯此喧散雜暮蛙

初晴復雨感事



朝暉還復變濛濛，過盡韶華冷落中。媚紫妖紅如病  
悴，也應無暇笑春風。

和董都官登城南樓

危樓百尺據城堞，徙倚渾疑到紫烟。卑濕豈愁梅雨  
地，清和尤喜麥秋天。一川晚照飛孤鷺，滿袖薰風聽  
杜鵑。鄉思搖上白雲外，官拘唯幸際堯年。

對雨懷陶掾

雨氣侵池館，清如秋向深。遙知修敵具，蕭洒不關心。  
思養

懶登危閣望天東，山外風煙隔幾重。白髮遲聞未歸

侍青綸，塵土若為憐。故鄉遠，負踰千里，薄宦拘攣等。  
萬鍾，指數瓜期尚稽遠，悠上斗粟為誰春。

錢塘韋先生文集卷第三

